



## Inselistolch

Mel. Jupeldi, jupeida.

Huslerb tuen i wieder hit,  
Bring allerhand fir Sache mit,  
Mach Schprich drzue, wie Jede heert,  
Drum ruehlig jetz und nimmi gschneert!

D'Dreirosebrugg-isch das e Gligg! —  
Isch gmietet von ere Farbfabrik,  
Die macht drvo, das isch z'erwarte —  
En Oelfarbaschtrich-Musterkarte.

In Genf liegt krank dr Völkerbund,  
Dä wird by däre Koscht nit gsund!  
Nyt as e grosse Rededurscht,  
's bringt jede Senf und Kain kai Wurscht!

E Fahrt in's Blau! Isch hit Trumpf,  
Und mänggi Frau nit guet im Schtrumpf:  
Wenn dr Ma nit haim kunnt z'Nacht,  
Het er e Fahrt in's Blau! gmacht!

D'Warehyser werde mächtig,  
Alles kriegsch dert billig, prächtig,  
Kaufsch e Wagle — 's kunnt jetz gly —  
Sie mache dr grad noh 's Kindli dry!

En Uusverkauf syg nie ganz ehrlich,  
Die Erkenntnis isch jo herrlich!  
Doch me heert die letschte Täg,  
Me mälich jetz d'Kueh uff neiyer Weg!

Het e schwarze Rolli grammet,  
Het ganz Züri «dr Panter» gschtammet,  
Numme so ne Ruech het g'lacht  
Und still vom Panther Hackfleisch g'macht!

Jedem Schwoizer ischt des klar,  
Dass do drinn koi Ordnung war,  
Aber guck, des ham mir gloi,  
Sobald mir gleichgeschaltet soil

---

**Kemmet alli am Sunntig z'obe noch der Fasnacht  
am Sibeni in Musigsaal zuem Schlussober vo de  
Comité-Schnitzelbängg.**